

Ud  
8382



Ud 8382

392455/III

R1

Biblioteka Jagiellońska  
  
sitr0012442

Ud 8382

5-N 12652

EPISTOLA SYNO-  
DI PROVINCIALIS  
POLONIAE, celebratae Varaviae Anno 1643,  
duodecimâ Mensis Novembris,

*AD DISSIDENTES IN REBUS FIDEI*

*ab*

**ECCLESIA CATHOLICA**

ROMANA: in Regno Poloniae, Magnoque  
Ducatu Lithvaniae, qua ad amicum congressum & fra-  
ternam reconciliationem invitantur Torunium in  
Prussia, ad diem decimam Octob.

Anno 1644.

1090159



**M** Atthias Lubienski, Dei  
& Apostolicæ Sedis gratiâ Archi-  
episcopus Gnesnensis, Legatus  
Natus, Regni Poloniae Primas,  
Primusq; Princeps, cæteriç; Regni & Magni  
Lithvaniae Ducatus Episcopi, Varfaviae in  
Synodo Provinciali legitime congregati,  
Illustrissimis, Illustribus, Magnificis, Ge-  
nerosis, Nobilibus, Clarissimis, Spectabili-  
bus, & Eruditis Viris, nec non Vniversis &  
singulis, cujuscunque Status & Ordinis, tam  
Secularibus quàm Ecclesiasticis, ab Ecclesia  
Catholica Romana dissidentibus, in Regno  
Poloniae & annexis eidem Provinciis existen-  
tibus, salutem animarum & omnem pro-  
speritatem.

Illustrissimi, Illustres, Magnifici, Gene-  
rosi, Nobiles, Clarissimi, Spectabiles, & Eru-  
diti Viri.

Triste Religionis dissidium, quod hoc

Regnum annexasque illi Provincias uno jam seculo fatigat, non potuit Christiani fraternique amoris necessitudinem, quam Vobiscum tanquam unius Regni cives constitutam habemus, dissolvere: neque Pastoralem de Vobis sollicitudinem ex animis nostris, quos Spiritus Sanctus posuit Episcopos regere Ecclesiam Dei, quam acquisivit sanguine suo, unquam eximere. Qua urgente, in hac sacra Provinciali Varfaviensi Synodo de eo inprimis deliberavimus, quomodo Vobis in unius Religionis nomen doctrinaeque normam concedendi, quam accommodatissimum & gratissimum remedium proponeremus. Igitur ubi hoc unum non inusitatum elegimus, fraternam nimirum collationem seu colloquium charitativum, visum est Vos, Illustrissimi, Illustres, Magnifici, Generosi, Nobiles, Clarissimi, Spectabiles, Eruditi & vestris titulis honoratissimi, quicumque in hoc inclyto regno Poloniae eique unitis Provinciis communi jure legibus politicis estis consentientes, sed  
doctri-

doctrinam fidei dissentientes, ad illud, Torunium Regiam Civitatem, ad diem decimam Octobris in Anno stili Gregoriani Millesimo Sexcentesimo Quadragesimo Quarto, permanenter invitare. Neque verò necessarium existimamus multis id Vobis suadere, quibus studium hoc nostrum optimè, ut speramus, interpretaturis, propensa nostra voluntas, consiliumque placebit, & praeterea concordis religionis commoda non ignota, discordis contra damna sunt manifesta. Illud unum profiteri polliceriq; Vobis suffecerit, in vitam à Nobis augendi honoris Dei, juvandarum animarum, stabiliendae pacis publicae rationem nemini fore praedudiciosam, vestrisq; consuetudinibus, immunitatibus, privilegiis minimè exitiosam. Aderunt insuper opportunè, quibus liber & tutus ultrò citroque com meatus patebit, diplomata Serenissimi Regis & Domini Nostri Clementissimi, qui ut bello inclytus, ita pietatis laude insignis, in aetatum posterorumq; omnium memoriam ibit, quòd armatam in suum exitium,

potissimum ex causa dissonæ Religionis, belloque ardente universa Christianitate, ille foris immota undique pace constituta, ad restituendam Regno Dominiisque suis Religionis tranquillitatem, cum ipse Regias flexit curas, tum Nos ad easdem agendas incitavit. Aderit etiam nomine Nostro ad præfinitam diem locumque Illustrissimus & Reverendissimus Dominus Georgius Tyszkiewicz Episcopus Samogitiæ, ingenij suavissimi, & propagandi honoris divini studiosissimus, vna cum duodecim aliis Viris doctrinâ modestiâque conspicuis a Nobis destinatis, qui singulari animi mansuetudine in Spiritu lenitatis, sine clamoris disputationibus, prætermis aculeis, etiam qualibet offensione, hos salutare Vobiscum habebunt sermones. Quod si Vos (uti quidem obnixè rogamus) tales quoque deligitis, qui candido pacisque Ecclesiasticæ cupido animo huic interveniant colloquio, profectò, quandoquidem Vobis in multis fidei capitibus cum Ecclesia Catholica videtur convenire, ubi insu-

per

per certa pro certis utrinque statuentur, ambigua liquidabuntur, verè controversia Scripturarum & primitivæ Ecclesiæ aliisque testimoniis comprobabuntur, haud difficile erit Catholicam veritatem, omnibus, quibus ejus fulgor hæctenus obscurari videbatur, depulsis, & quàm inania sint, quæ parti huic imputantur, liquidò perspicere, pariterque vobis & cunctis judicare, jurene præsens cessio & olim facta sit, & nunc continetur. Si unquam fuit resumendæ pacis Ecclesiasticæ tempus opportunius, hoc certè est, tot annorum pace felicissimum, scilicet ut in hac placidissima temporalis felicitatis malacia, tranquillis animis omnes despiciant dulcedinem pacis religionis, atque alteram ex altera querere & firmare condiscant. Vtmini igitur hoc bono Illustrissimi, Illustres, Magnifici, Generosi, Nobiles, Clarissimi, Spectabiles, & Eruditi Viri, ut vota nostra vertantur in gaudia non Poloniae modò & septentrionis nostri, sed cœli universi, sed Nationum omnium, apud quas pulcrum erit

fune-

funestam religionis discordiam alibi prius  
coepisse, hic prius desisse. Valete, acceptate,  
adepte, in Domino. Varaviae in Synodo  
Provinciali, duodecimâ Novemb. Anno  
Domini Millesimo Sexcentesimo Quadra-  
gesimo tertio.



**Matthias Lubienski Archiepiscopus  
Gnesnensis suo & totius synodi  
nomine m. p.**

7

K



